



Protection visa

Sensim toktok lo Protection visas

Protection visa (sabklas 886) hem fo jenuin asaelam siika wea feisim riul risk from bikfala haam oa prosekiusin lo hom kandere blo oketa.

Ostreilian Gavman hem nao provaedim **akses fo fri ligol advaes** fo pipol wea tinktink fo aplae fo Protection visa. Advaes ia bae heolpem oketa posibol aplikants fo faenim if oketa meibi elijibol. Tiswan bae ridiusim nao risks blo pipol wea iusim anrejistad maegreisin advaes hu mei bi givim aot inkorekt advaes.

Tisfala fakt shiit ia provaedim nao esensiol infomeisin en impotent ditels fo oketa wea tinktink fo aplae fo Protection visa.

Wanem nao oketa faks?



Protection visas hem fo oketa **jenuin asaelam siikas ia**. Hem no moa fo oketa pipol wea laek fo stei long taem lo Ostreilia fo waka.



Provaedim fols infomeisin lo Protection visa aplikeisin blo iu save lidim iu go **lo prisin en bikfala faens**.



If oketa rifiusim Protection visa aplikeisin blo iu, bae hem meibi hati fo iu oa famili blo iu fo **kam baek lo Ostreilia**.



Avereij rifiusol reit fo Protection visa hem **ovam 85%**



Protection visa aplikeisins from Pasifik en Timo Lest pipol karem nao samfala haest reits blo rifiusol. Fo plenti lo kanderes ia, moa dan 90% of aplikeisins wea oketa faenalaesim lo 2023-24 **hem no mitim nao rikuaeamens en oketa rifiusim**.



No letem eniwan aplae fo Protection visa fo iu witaot oketa andastandim nao wanem iu aplae fo en watkaen infomeisin nao bin provaeded.



Iu mas meksua evriting lo aplikeisin blo iu hem tru, ivin if samwan eols komplitim fo iu.

Elijibiliti

Proteksin visas hem fo oketa pipol (oa famili membas blo oketa) **wea feisim turufala risk lo haam** if oketa go baek lo kandere blo oketa oa oketa bae feisim prosekiusin bikos lo:

- reis
- rilijin
- nasinaliti
- Oketa memba blo wan taep gurup oa
- Politikol opinion

Misinfomeisin

Staka misinfomeisin nao abaotim Protection visas wea hem kam lo pipol stei lo Ostreilia en ovasis. Tiswan bae save liid lo **sirias konsekuensis** fo oketa wea aplae fo Protection visa en familis blo oketa. Protection visas hem fo oketa jenuin asaelam siikas ia. **Hem no moa** fo oketa pipol wea laek fo stei long taem lo Ostreilia fo waka.

Most lo oketa niu Protection visa aplikeisins ia, oketa mekem disisin lo hem **almost 8 taems fasta** kompearem nao wetem risent ias

Provaedim fols oa misliding infomeisin

Hem impotent fo andastandim dat if iu provaedim fols dokiumens o givim fols o misliding infomeisin lo Protection visa aplikeisin, bae iu save feisim bikfala faen en ap tu 10 ias lo prisin.

If iu bin rifiusd Protection visa

If Protection visa aplikeisin blo iu hem bin rifiusd en iu no holem valid visa, **iu mas livim Ostreilia**. If iu no karem valid visa, bae oketa Australian Border Force (Ostreilian Boda Fos) save **diteinim en rimuvim** iu from Ostreilia.



Protection visa

Sensim Konvaseisin abaotim Protection visas

No aplae fo Protection visas witaot fest siikim [fri ligol advaes](#) from spesolist refuji en imigreisin ligol provaeda.



Tings fo remembarem

- Aksesim [fri ligol advaes](#) from **spesolist refuji en maegreisin** ligal provaedas lo steit oa teritori blo iu
- Fo faenim aot **moa infomeisin** abaotim Protection visas, go lo homeaffairs.gov.au/protection
- Luk fo **rejistad maegreisin eijent** fo meksua imigreisin advaes iu tekem hem ligol taem iu visitim [Ofis blo Maegreisin Eijents Registresin Atoroti \(OMARA\)](#)
- Protektim iu seleva en komiuniti blo iu. **Ripotim anrejistad maegreisin advaesas** anonimosl lo [Australia's Border Watch](#) (Ostreilian Boda Wats)
- Faen aot weta **samfala nara opsins** hem fitim iu. Visitim [Visa Faenda webpei](#) lo Hom Afeas websaet.

Konsekuensis blo rifiusd aplikeisin

Protection visa aplikeisin blo iu wea hem bin rifiusd lo Ostreilia, bae hem stei lo imigreisin rekod blo iu, wea hem maet mekem had fo iu en famili blo iu fo visitim Ostreilia lo fiuja. Hem maet olso impaktim visa aplikeisins fo oketa nara kanderes araon lo wol tu, dipending lo taep lo visa iu aplae fo. Bae iu no alaod fo aplae fo staka atha visas taem iu stiul lo Ostreilia.

Maegreisin eijents

Lo Ostreilia maegreisin eijents mas bi rejistad wetim [Ofis blo Maegreisin Eijents Registresin Atoroti \(OMARA\)](#). Iu save visitim websaet **fo jekim eijent hem rejistad**.

Hemi iligol fo peson fo sasim seleni fo maegreisin advaes anles oketa rejistad maegreisin eijent oa Ostreilian ligol praktisina. If iu pei fo advaes from peson hu hem no rejistad maegreisin eijent oa Ostreilian ligol praktisina, hem luk osem iu akt lo infomeisin wea hem no korekt en potensiali bae hem **riskim nao eni jans iu karem fo stei** lo Ostreilia.

Anrejistad maegreisin advaesas, staka taem advataes lo soisol midia en lo onlaen jat grups. Oketa samtaems talem aplikants fo givim fols dokuments taem aplae fo Proteksin visa, en **samfala save saasim staka selen** fo inkorekt advaes.

If samwan tarae fo givim iu anloful imigreisin advaes, talem mifala lo [Border Watch Online Report](#) (Boda Waj Onlaen Ripot). Iu no niid nomoa fo talem nem blo iu.

Waka blo komiunitis

Komiunitis wea i stap lo Ostreilia, oketa karem impotent waka fo **priventim nao spred blo misinfomeisin** go lo oketa wea tinktink fo aplae fo Protection visa. Inkludim talem oketa laek aplae fo **Protection visa dat hem no waka visa ia**.

Komiunitis save heolp fo spredim aweanes abaotim **risks blo sabmitim fols oa misliding infomeisin** lo Protection visa aplikeisin en engeijim oketa anrejistad maegreisin advaesas.

If samwan hem aplae fo Protection visa askem iu fo raetim sapot leta fo hem, iu sud onli duim tiswan if iu biliv hem **jenuin asaelam siika** en hem feisim riul risk blo biki haam en karem riul jans fo oketa pesikiutim hem taem hem go baek hom.

Enkarejim peson fo aksesim [fri ligol advaes](#) from spesolist refuji en imigreisin ligol provaeda lo steit o teritori blo iu.

Visitim websaet homeaffairs.gov.au/protection fo faenim moa infomeisin



Australian Government